

24. október 1975.

921

Nr. 453.

REGLUGERÐ

um happdrættislán ríkissjóðs 1975, Skuldabréf G, vegna uppbyggingar
þjóðvegakerfisins.

1. gr.

Fjármálaráðherra f. h. ríkissjóðs, gefur út til sölu innanlands happdrættisskulda-
bréf, samtals að fjárhæð 300 millj. króna, skv. heimild í 32. gr. laga nr. 11 frá 28.
apríl 1975, sbr. lög nr. 7/1974.

2. gr.

Happdrættisskuldbréf, skv. reglugerð þessari skulu nefnd Skuldabréf G.

Þau skulu gefin út til handhafa. Verðgildi hvers skuldabréfs er 2 000.00 krónur og
eru þau í töluröð. Skuldabréfin skulu seld á nafnverði. Sala þeirra hefst í nóvember
1975 og henni lýkur fyrir fyrsta útdráttardag, sem er 23. janúar 1976.

Happdrættisskuldbréfin falla í gjalddaga eftir 10 ár eða hinn 1. desember 1985.

Á happdrættisskuldbréfunum skal tilgreindur árlegur útdráttardagur, tala vinn-
inga og fjárhæð þeirra hvers um sig.

3. gr.

Við innlausn happdrættisskuldbréfs greiðir ríkissjóður verðbætur á höfuðstól
bréfsins í hlutfalli við þá hækkun, er kann að verða á lánstímanum á þeirri vísitölu
framfærslukostnaðar, er reiknuð er í nóvember 1975 til gjalddaga hinn 1. desember
1985. Miðað er við skráningu Hagstofu Íslands á vísitölu framfærslukostnaðar. Kaup-
lagsnefnd reiknar vísitölu framfærslukostnaðar, og eru núgildandi lög um hana nr.
70 29. nóvember 1967, sbr. lög nr. 1 frá 30. janúar 1959. Happdrættisskuldbréfin skulu
innleyst á nafnverði, þótt vísitala framfærslukostnaðar hafi á tímabilinu til gjalddaga
þeirra verið lægri en hún var reiknuð í nóvember 1975 og sé lægri á gjalddaga þeirra.
Happdrættisskuldbréfin verða ekki innleyst að hluta.

4. gr.

Rísi ágreiningur um framkvæmd ákvæða 3. gr. um greiðslu verðbóta á höfuðstól
happdrættisskuldbréfanna, skal þá vísa málinu til nefndar þriggja manna, er skal
þannig skipuð: Seðlabanki Íslands tilnefnið einn nefndarmanna, Hæstiréttur annan,
en hagstofustjóri skal vera formaður nefndarinnar. Nefndin fellir fullnaðarúrskurð
í ágreiningsmálum, sem hún fær til meðferðar. Ef breyting verður gerð á grundvelli
vísitölu framfærslukostnaðar, skal nefnd þessi koma saman og ákveða, hvernig vísi-
tölur samkvæmt nýjum og breyttum grundvelli skulu tengdar eldri vísitölum. Skulu
slíkar ákvarðanir vera fullnaðarúrskurðir.

5. gr.

Af happdrættisskuldbréfunum eru ekki greiddir vextir en vinningum úthlutað
í samræmi við útdrátt númera sbr. 6. gr.

B 116

6. gr.

Árleg fjárhæð vinninga í þessum flokki happdrættislána ríkissjóðs skal nema 10% — tíu af hundraði — af heildarfjárhæð skuldabréfa flokksins og skal dregið um þá einu sinni á ári, í fyrsta sinn föstudaginn 23. janúar 1976 og síðan þriðja föstudag í janúar ár hvert þar á eftir, þar til dregið hefur verið samtals 10 sinnum. Síðasti dráttardagur er því þriðji föstudagur janúarmánaðar árið 1985.

Vinningum skal úthlutað skv. skrá þeirri, sem hér fer á eftir.

6 vinningar á kr.	1 000 000.00 = 6 000 000.00
6 vinningar á kr.	500 000.00 = 3 000 000.00
130 vinningar á kr.	100 000.00 = 13 000 000.00
800 vinningar á kr.	10 000.00 = 8 000 000.00

942 vinningar	kr. 30 000 000.00
---------------	-------------------

Vinningaskrár skulu birtar í Lögbirtingablaðinu sem fyrst eftir dráttardag, auk þess sem vinningaskrár skulu liggja frammi á sölustöðum.

Notarius publicus í Reykjavík annast útdrátt vinninga að viðstöddum fulltrúa fjármálaráðuneytisins og fulltrúa Seðlabanka Íslands.

Heimilt er að nota tölvu Reiknistofu Raunvísindastofnunar Háskóla Íslands við útdrátt vinninga. Verði að því ráði horfið, skal útdráttur fara fram eftir reglum, sem fjármálaráðherra setti um útdrátt vinninga í B-flokki happdrættisláns ríkissjóðs 1973, nr. 164 frá 1. júní 1973, sbr. og 1. gr. reglugerðar nr. 220 frá 12. júlí 1974.

7. gr.

Happdrættisskuldabréfin eru undanþegin framtalsskyldu og eignarsköttum, en vinningar svo og verðbætur undanþegnar tekjuskatti og tekjuútsvari sbr. lög nr. 7/1974 svo og lög nr. 99/1971.

8. gr.

Innlausn happdrættisskuldabréfa og greiðsla vinninga fer fram í Seðlabanka Íslands Reykjavík.

Handhafar skuldabréfa, sem hlotið hafa vinning eða við innlausn eftir 10 ár, geta snúið sér til allra banka, bankaútibúa eða sparisjóða og afhent þeim skuldabréf gegn sérstakri kvittun. Viðkomandi banki, bankaútibú eða sparisjóður sér síðan um að fá greiðslu úr hendi útgefanda með því að senda Seðlabankanum skuldabréfið til fyrirgreiðslu.

Eftir gjalddaga greiðast engar verðbætur vegna hækkunar vísitölu framfærslu-kostnaðar.

Skuldabréf þessi fýrnast á 10 árum frá gjalddaga og verða ekki innleyst að þeim tíma liðnum.

Falli happdrættisvinningur á skuldabréf, skal hans vitjað innan fjögurra ára frá útdrætti ella verður hann eign ríkissjóðs.

Sé gölluðum eða rifnum skuldabréfum framvísað til greiðslu vinnings eða innlausnar með þeim hætti, að bæði númer sjáist og meira en helmingur bréfsins fylgi, fer innlausn fram að fullu, en sjáist aðeins annað númerið, verður innlausn eða greiðsla vinnings innt af hendi að hálfu, enda sé meira en fjórðungi bréfsins framvísað.

9. gr.

Reglur XIX. kafla laga nr. 85 frá 23. júní 1936, um mál til ógildingar skjala o. fl. gilda ekki um skuldabréf samkvæmt reglugerð þessari.

10. gr.

Fjármunir þeir, sem inn koma fyrir sölu happdrættisskuldabréfanna, skulu renna til Vegasjóðs og skal verja þeim til uppbyggingar þjóðvegakerfisins.

Kostnaður við framkvæmd þessarar fjáröflunar greiðist af söluverði skuldabréfanna.

11. gr.

Reglugerð þessi, sem sett er skv. 2. gr., sbr. 3. gr. laga nr. 7 frá 13. mars 1974 öðlast þegar gildi.

Fjármálaráðuneytið, 24. október 1975.

Matthías Á. Mathiesen.

Þorsteinn Geirsson.